

醫問學六要

四

中風 火 暑 濕
中寒 傷寒 傷風
斑疹

內閣文庫	漢
三六二	書
二四二	類
六一	架冊號類

內閣文庫	漢	12612
冊數	24	(17)
函號	301	31



類中風

大率因氣虛血虛有痰或挾火與濕

張三錫曰病人昏憤四肢不遂舉世皆以中風

名之殊不知類中者寸君八九今蒐集諸名家

古今切用要法為詮蹄焉

痰涎壅盛喉中作聲卒然暈倒脉微而數或左

關弦急右寸關洪滑而急不寒不熱面赤直視

類中風也悉屬痰火○有暴怒氣實人忽然如

此屬氣厥當從氣治肥人卒中屬氣虛有痰參

芪對生散肺瘦人屬陰虛火盛六味地黃湯口禁不能進藥以生半夏為末吹鼻中或以通關散吹喉及鼻取嚏有嚏可治無則不可治更須急搯人中稍甦隨証處治○脉沉滑因于氣者烏藥順氣加減○脉弱氣虛八味順氣俱加竹瀝薑汁○按竹瀝乃陰虛有大熱者僊品中年痰火捨此必不成功特為拈出能食而氣稍實者荆瀝鈔○脉洪大或數面赤目赤口乾燥屬火多導痰湯加岑連稻栢薄荷花粉竹瀝薑汁須治痰理氣為先補養次之○實者導痰湯加荆瀝○痰涎壅盛口眼喎斜不能言語皆用此法輕而省者用瓜蒂散或稀涎散重而口噤用藜蘆少許加麝灌鼻中吐之惟實者宜虛人年高忌之用蝦汁吐邪出亦妙卒然昏憤口眼喎斜痰涎上湧咽喉有聲六脉沉伏或虛大乃真氣虛而風乘之三生飲加人參一兩煎服鈔○按三生飲乃行經治寒痰之藥有斬關奪門之功必加人參兩許以駕馭之扶正驅邪否則不能

成功○牙緊不能進藥霜梅擦牙自開○脉弱或虛大無力元氣素弱卒然暈倒濃煎人參湯加竹瀝薑汁○有元氣素弱過于勞役或傷于嗜慾而卒然厥仆類中風者手必撒口必開非大劑參芪用至斤許安能回元氣于無何有之鄉哉若不仆但舌強語澁口眼喎斜肢體不遂者作中風治必殆以六君子加諸汁治之○肥人多濕痰少加製附子行經

潔古云手足不遂中腑也初起脉浮數作寒熱或有汗或無汗是為表証有痰鬱火于四肢不能運行而然者雖非外邪亦當汗解二陳羌獨蒼朮防風在上加薄荷桂枝靈僊下加防已牛膝或佐以芎歸一二服審氣血治此與痛風門并看○濕痰腫痛黑虎丹最妙○又曰耳聾目昏唇緩失音中藏也必兼舌乾便秘即是裏証脉實滑而實者方可用三化湯牛黃通膈湯以疎之

東垣曰半身不遂大率多痰在左屬死血與血

少四物桃仁紅花在右屬氣虛與痰宜四君子
俱加二陳竹瀝薑汁○李時珍曰氣虛則痰入
于右而爲右癱○血虛則痰入于左而爲左癱
乃至精至當之論三錫曰半身不遂古稱偏枯
猶老樹之津脉不能遍達而枯廢其半也人之
腎主五液所以榮養百骸中年腎水虛乏榮衛
失常痰涎阻滯經絡火邪燔灼骨筋故手足不
遂或偏于左或偏于右而不爲我用也以左右
分氣血固不可易猶嘗觀人肥瘦叅以脉虛庶
無差忒如肥白人右寸關弦滑或沉緩軟弱肢
冷者方可作氣虛治○黑瘦人兩手俱數疾左
爲甚或虛大無力肢熱者方可作血虛治氣血
是本痰火是標○左右通治方用黃芪爲君人
參歸芍爲臣防風桂枝鈎藤爲佐荆竹瀝薑汁
韭葛梨乳汁爲使捨此而雜用烏附羌獨是促
其效爾○聲如鼾睡屬氣虛獨參湯加竹瀝薑
汁○痰多火盛口眼喎斜手足躄攷言語蹇澁
晨昏痰壅間服滾痰丸或聖濟方保命金丹抄

○稍健人手足不遂用五枝湯浴或蒸法皆妙
酒客膏梁家四肢痺而不遂脉滑實有力邪甚
者非尋常湯劑所可治必用大辛大散如活絡
丹大烏藥順氣散換骨丹續命丹四生丸黑虎
丹等皆內有烏頭地龍乳沒麻黃蝎蛇等散走
藥所以祛邪開結是病已深重須毒以攻之又
不可拘于腦麝引風入骨如油入麪之說要在
用之合宜爾

遺尿

遺尿者屬氣虛多以參耆補之少加益智子頻
啜妙若卒中有此兼諸惡症者爲腎絕不治
若已醒日久不時遺尿者猪羊尿胞煮食伴青
鹽妙原湯煎大劑參芪木草歸芍續斷加升麻
提之

桑枝性平不寒不熱能祛風散熱皮膚燥痒四
肢麻痺清肺止嗽聰耳目用桑枝一升炒香水
煎服無時

千金方半身不遂蚕沙兩石分作三袋每袋可

七斗蒸熟一袋着患處如冷再換一袋依前法
數數換易

口禁

初中時口禁不知人事藥不得下用皂角末取
嚏再以霜梅擦牙即開或用南星研末加白龍
腦揩大牙每用一字蘇合香丸擦牙亦可○或
鬱金梨蘆末水調搐鼻○肥人以黃芪防風各
十斤煎湯薰○一法用甘草比中指截五截于
油中浸炭火上炙候油入甘草以物幹開牙關
令咬定甘草可如人行四五里時再換一截後
灌藥

丹溪曰凡類中風症悉以二陳湯加竹瀝薑汁
爲主○風痰盛喉中如拽鋸者加南星枳殼皂
角瓜蒌仁○血虛加四物用生地有瘀血加桃
仁紅花○氣虛對四君黃芪自汗倍芪少用茯
苓半夏或少佐以附子○頭目不清或頭痛如
破加川芎白芷荆芥穗細辛蔓荆○頂痛去川
芎加藁木或加酒岑○如無汗身體痛脉浮緩

有力或浮緊或浮弦是火邪鬱于表本方加羌活防風川芎白芷蒼朮秦艽之類甚者小續命倍麻黃須審寒暄○如大便秘結四物三化微利之三五日一行可也輕則滋腸五仁丸佳心血虧欠心神恍惚加黃連遠志石菖蒲○或心動搖悸更加茯神酸棗側柏葉竹葉或補心丹佳○凡風症小便不利不可利之熱退自解也○肥人中風口眼喎邪手足麻不分左右皆屬痰火用貝母萸仁南星半夏陳皮二朮岑連黃栢羌活荆芥威靈僊桂枝甘草花粉因濕者加附子二三分竹瀝薑汁入酒一二匙行經行火○瘦人中風口喎等証悉屬陰虛火盛四物三補知母牛膝入竹瀝薑汁有痰加痰藥○左癱者岑連黃栢俱酒製防風各半兩甘草半兩南星一兩附子製三片丸彈子大酒化下○肥人憂思氣鬱右手癱口渴補中益氣加痰藥仍佐竹瀝薑汁○中風口眼喎邪語言不正口角流涎半身不遂或全體不能舉因元氣虛弱兼酒

色之過更挾外邪用四君四物爲君羌活荆芥
薄荷葛根白芍爲佐黃芩天麻細辛皂角爲使
甚者加麻黃仍加竹瀝薑汁外以艾灸治風穴
道取微汗而愈○因寒而中者薑附湯隨病加
減手足不仁加防風挾濕加白朮筋脉牽急加
木瓜肢節痛不可當加薄桂一錢薑棗煎服
古方愈風湯四白丹藥多辛散恐非類中所宜
半身不遂病久補氣血化痰藥外更常服稀菴
花佳

口眼喎邪

悉屬風熱血脉受病也手足陽明之筋絡于口
會太陽之筋絡于目寒則筋急而僻熱則筋緩
故左寒則逼熱于右右中寒則逼熱于左寒者
急而熱者緩急者皮膚頑痺榮衛凝滯治法急
者緩之緩者急之○此症少年平時亦有不獨
中風歷診其人多是陰虛火盛亦有痰生熱者
往往用滋陰涼血養血藥及滾痰搜風六味地
黃加坎離等丸調理殊効詳見口門

一法黃芪二錢人參歸芍各一錢甘草桂枝各五分升麻葛根秦艽各一錢白芷防風蘇木紅花酒黃柏各五分水酒各半煎稍熱服初起有表症加連翹三莖取微汗○一膏梁貴介酒色過度口喎服搜風化痰藥不應用八味丸料煎服三服即正乃陰虛之驗也六味滋陰桂附行經妙不可言

戴氏曰中而口眼喎斜者先燒皂角烟薰之以逐外邪次燒乳香薰之以順血脈

改容膏傳口喎絕妙

蓖麻子一兩

真冰片三分

共搗膏左喎傳右右喎傳左寒月加乾薑附子各一錢或以蟻螂冰片傳之或以鱧血冰片傳之俱妙

言語蹇澁

痰火壅塞上竅氣血虛不能上榮則舌機不轉宜尋痰尋火兼補養之亦有真氣虛極不能言右寸弦滑無力宜大補之獨參湯加竹瀝能食

者用荆瀝或用梨汁、陳醬汁、人乳汁、生葛汁、難
經曰、三焦之氣通于喉、喉嚨之聲則發矣、氣弱
不能上通故也、虛回痰自下、脉滑而弦、痰壅舌
強者、酒岑連、導痰、加竹瀝、兼服轉舌膏、○已上
皆類中風症也、世之病此者良多、若果屬外邪、
當從古法治、○大腸之脉散舌下、如舌瘡而大
腸秘、用逍遙散、秦艽、槐角、○失音不語、一法竹
瀝、荆瀝、大梨汁、各三盃、生葛汁、人乳各二盃、陳
醬汁半盃、和勻頓溫服、

薛立齋曰、舌瘡不能言、足痿不能行、屬腎氣虛
弱、名曰痲症、大補為主、

真中二 東南絕無、悉是大虛症、

上古朴質、穴居野處、多真中風、故治皆驅邪慄
悍藥、今人情慾無涯、陰虛內傷、在東南尤甚、宜
遵東垣丹溪法、然中年血氣弱、真為風所中者、
庸或有之、僅錄一二要法、以備參考、古云西北
二方多真中風、以地高風勁故也、學者拘泥一
偏、恐非通士、

脉浮而數四肢拘急不仁面加五色惡風惡寒
表中風也為中府小續命加減

脉沉而滑或數而弦九竅塞滯唇緩不收舌強
失音耳聾目瞽二便秘塞裏中風也名中臟三
化湯主之○古云治須少汗亦須少下○多汗
則虛其衛多下則損其榮○外無六經形症內
無便溺阻隔但手足不遂語言蹇蹇乃邪中于
經也宜養血通氣大秦芎愈風湯主之○有腑
臟兼中者宜審孰急或一氣之微汗或一旬之

通利○產後中風角弓反張手足痠癢脉浮而
虛荆芥炒末豆淋酒下三錢童便亦可其應如
神又治血暈四肢強直或調芎歸湯

脉虛緩浮遲者生急實大數者死口開

手撒眼合遺尿搖頭聲如鼾睡吐

沫直視面赤汗出如珠皆屬危症

方

增減烏藥順氣散局方中麻黃白芷乾薑
殭蚕等風藥恐非無外邪者所宜今增損之

一以順氣化痰為主凡一切氣氣厥氣膈氣痛七氣為患僊品

烏藥

川芎

青皮

陳皮

香附

重便浸

半夏

枳殼

桔梗

前胡

下氣極速

有火加涼藥二三味隨病出入

八味順氣散

治氣厥挾虛症

四君子湯加

烏藥

青皮

白芷

陳皮

有痰加星半

引子隨宜

通關散

治一切卒中昏憤不省牙關緊急湯

水難入

細辛

洗淨

牙皂

去核各一兩

右為細末以紙撚搐畜取嚏

稀涎散

治中風痰涎壅盛口眼歪斜膈塞不

通 明白礬

一兩半生半枯

猪牙皂角

四莢去皮炙黃

右為末每服三錢溫水下以吐為度

獨聖散

治諸風膈實痰盛及諸癰痰飲塞溢

等症

甜瓜蒂

一兩炒黃熟脫落者佳

右為末每服半錢或一錢量人虛實用之以

酸醞水調下以吐為度宜于天氣清朗日行之晦日難得吐病急暴者不拘先令病者隔宿勿食如服下不吐再以熱醞汁投之如吐風癇病加全蝎半錢微炒如有蟲者加猪油五七匙雄黃末一錢甚者加芫花半錢立吐其蟲如濕熱腫滿加赤小豆末然此藥不可常用大要辨其虛實實者可吐稍虛即不可妄用吐後可服降火利氣安神定志藥

牛黃通膈湯

二陳湯

導痰湯

見痰門

四君子湯

四物湯

見虛門

活命金丹

治神不清上焦火盛神効即涼膈

散

見火門

內加青黛藍根為末蜜丸彈子大硃

砂為衣金箔蓋每服一丸茶清化下臨臥服

正舌散風痰舌本強硬語言不正此散主之

全蝎稍

去毒一分

茯神

去木微炒一兩

薄荷

焙一兩

右為細末每服一二錢溫酒調下或用以擦牙頰亦可

清心散 治舌強不語

青黛二錢 白礬砂二錢 冰片一分 牛黃三分 薄荷二錢

右為細末先以蜜水洗舌上後以薑汁擦之將藥蜜水調稀搽舌上

痰火壅滯上焦舌強不語轉舌膏最驗即涼膈

散加石菖蒲遠志如活命丹法

脉虛體倦痰迷上竅舌強不言滌痰湯妙

南星薑製 半夏二錢 枳實 茯苓各 橘紅二錢

石蒲 人參各 竹茹各 甘草半

即導痰湯加人參竹茹菖蒲薑水煎服

青州白丸子 治男婦風痰濕痰壅盛手足癱

痰吐涎沫及小兒驚風皆治隨症加減

半夏 南星薑製 川烏頭去皮臍

右為末以蜜絹袋盛于井花水中擺出未出者再搗再揉令淨為度于磁器中日晒夜露每日一換新水攪而復澄春五夏秋七冬十

去水晒乾如玉片碎以糯米粉煮粥清為丸
如菘豆大每服二十九薑湯下驚風薄荷湯
下、

僊傳黑虎丹 治男婦血氣虛弱筋骨枯槁外

邪乘虛傳入經絡或濕痰流注足脛手足麻

木腰腿疼痛久成偏枯左癱右瘓口眼歪斜

諸痰火濕熱有餘之症、

蒼朮

米泔水浸二
宿去皮切片

草烏

洗淨去皮
切作片

生薑

洗淨搗碎

蔥半斤

全用
搗碎

右四味和一處拌勻醃之春五夏三秋七冬

十日每日一番拌勻候日數足晒乾

五靈脂

洗淨

乳香

研

沒藥

研各
五錢

穿山甲

炮二
兩

自然銅

火煨醋
碎七次

右同前藥為末用好醋糊為丸如桐子大每
服三十九空心熱酒送下間日服尤妙婦人
血海虛冷白帶肚腹作痛空心醋湯下止服
二三十丸不可多服忌生冷冰漿涼物但覺
麻木為効孕婦忌之

血虛有痰四肢偏枯攣拳者虎脛骨酒佳

石斛去根石南葉 防風去蘆虎脛骨炙川芎

當歸去蘆茵芋葉 杜仲去粗皮炒斷絲川牛膝去蘆

川續斷 金毛狗脊燎去毛川巴戟去心各一兩

右剉如豆大絹袋盛藥用無灰酒一斗漬之

十日後任飲

口眼喎勢緩者稀煎丸佳

換金丹 治風勢客于上焦口眼喎斜

荆芥穗 白殭蚕 甘草 防風各一兩

天麻 川烏頭生用白附子生用蝎稍毒

羌活去蘆細辛 川芎 藿香各半兩薄荷三兩

右為細末蜜丸彈子大每服一丸細嚼茶酒下如左喎再以此塗于右右喎塗左

三蚣散治諸風口眼喎邪

蜈蚣三條用蜜炙一條酒浸一條紙裹煨熟白芷半兩

南星三個每個作四塊逐個似蜈蚣法製

右為末入麝少許熱酒調一錢食後服

牽正散

白附子

白殭蚕

全蝎

去毒并生用

右為末每服二錢熱酒調下不拘時服

天僊膏

天南星

大一錢

白芨

大二錢

大草烏頭

一個

殭蚕

七個

右為末用生鱧魚調成膏塗啞處正則洗去

天南星膏

南星一味為末生薑自然汁調右啞傳左

左啞傳右

一方葷麻搗爛傳亦可或生鱧血加麝亦効

口啞灸法以筆管五寸長插入耳內外以麩塞

四圍勿使透氣一頭以艾灸二壯右灸左左

灸右耳痛亦効

又法耳垂下用麥粒大艾炷灸三壯左灸右右

灸左

有人麻木體軟痰湧口斜語澁蹇身痒白屑等症其人臂麻體軟脾無用也痰涎自出脾不能攝也口斜語澁脾傷也頭目暈重脾不升也痒起白屑脾不營也補中益氣湯加神麩半夏茯苓

神三十劑乃愈

預防中風

張三錫曰病之生也其機甚微其變甚速達士知機思患而預防之庶不至于膏肓即中風一證必有先兆中年人但覺大拇指及次指時作麻木或不仁或手足少力或肌肉微掣三年內必有暴病急屏除一切膏粱厚味鵝肉麪酒肥甘生痰動火之物即以搜風順氣丸或滾痰丸防風通聖散時間服之及

死虛因時培

養更遠色戒性清虛靜攝乃得有備無患之妙肥人更宜加意慎口絕慾人參湯加竹瀝煎膏日不輟口方是○大抵中年以後多有此水弱火盛熱極生風明矣治火爲先古方愈風湯四白丹藥多辛散大非所宜故皆不錄

薛氏醫按載一人形體魁偉中滿吐痰勞則頭眩所服皆清痰理氣立齋曰中滿者脾氣虧損也痰盛者脾氣不運也頭暈者脾氣不能升也指麻者脾氣不能周也遂以補中益氣湯加茯

苓半夏以補脾土用八味丸以補土母而後惑于乾坤生意不加補養祇服搜風丸致大便不禁而歿大抵預防之理當養氣血節飲食戒七情遠房幃可也若徒事風藥適足以招風取中也

搜風順氣丸治腸胃積熱以致膈間痞悶大便結燥小便赤澁腸風痔漏腰膝酸疼肢節頑麻手足癱瘓行步艱難語言蹇澁諸風諸氣膏梁之家中年宜常服之此藥宜通氣血清熱潤燥通利大小便諸病自愈

車前子

兩半

白檳榔

大麻子

微炒去

殼另研

牛膝

酒浸二宿

乾山藥

各二兩

枳殼

去穢炒

防風

去蘆

獨活

各一兩

郁李仁

泡去皮研

大黃

五兩半

生半熟

右為末煉蜜丸桐子大每服五六十九茶酒任下早晨臨臥各一服久之覺大便微溼以羊肚肺羹補之老年大腸無血大便結燥最宜

防風通聖散治熱極生風皮膚風疹燥痒頭目

不清痰涎阻滯胸膈宜加減用之

防風 大黃 砒硝 川芎 當歸

黃岑 滑石 石膏 薄荷 山梔

荆芥 桔梗 麻黃 白朮 甘草

連翹 芍藥

加生薑煎服體麻者加羌活天麻僵蚕痰多加星半如大便不實減硝黃表虛自汗減麻黃加參芪

古方牛黃清心丸中有犀角乾薑皆辛散慄悍藥牛黃入肝主筋腦子入腎主骨麝香入脾主肉果真中風在骨者能引風出否則引邪入骨古人有如油入麪之說今閩廣嶺南視為僊品以其地濕而多瘴氣也用之罔不獲効若干他處多不相宜按此方藥性一于攻邪挾虛類中妄用反增亦有暴厥藉其開竅亦是痰火盛而氣實乃可癲狂神昏言語蹇塞亦可酌用今人不深察藥性一槩謬謂服後則他藥不効又或不審寒熱虛實凡有不安即亂投之多致不救

良可憫也。一廣中士夫有妾隨任京都產後發熱自服四九大汗大喘而卒此可為輕信者之戒。

牛黃清心丸治有餘痰火

白芍 麥冬去心 黃芩 當歸 防風

白朮各一兩半 柴胡 桔梗 芎藭 白茯苓

杏仁各一兩二分 神麩 蒲黃 人參各二兩半

羚羊角 麝香一兩 龍腦各兩 大豆黃卷炒

肉桂炒 阿膠炒各一兩 白欬 乾薑各七錢半

牛黃研一兩 犀角屑二兩 雄黃錢 甘草炒

乾山藥七錢 金箔千二百片內四百片為衣 大棗蒸爛去皮核研

右除杏仁金箔二角屑牛黃雄黃腦麝外共

末和勻煉蜜與棗膏為丸每兩作十九金箔

為衣每服一丸食後溫水下

小續命湯 真中風有表証者可用

麻黃去節 人參去蘆 黃芩去腐 芍藥 甘草炙

川芎 杏仁去尖 防風 肉桂

防已 附子炮去皮臍

劑隨輕重增損

麻黃續命湯 治中風無汗惡寒

麻黃 防風 杏仁

有汗惡風用桂枝續命湯

桂枝 芍藥 杏仁

大秦芎湯原為中血脉之證而設方用四物加

二活芷防細辛芩朮白茯苓石膏按秦芎乃陽明

除濕聖藥濕痰盛而筋痿于前四物四君二陳

方中加而用之大獲奇效第不可執定一方也

活絡丹治有餘痰火經絡鬱滯拘攣不能屈伸

大是捷藥第藥性辛散功在開通鬱結耳不可

妄用

三化湯 中風內有便溺阻隔是風熱內實也

宜此

大黃

瀉濕熱

厚朴

枳實

化痰消滯除痞

羌活

祛風

右等分水煎服

稀蒼草一名火炊草葉似蒼耳對節而生春生

苗葉秋初開花秋末結實法于五月五六月六

七月七八月八月九月九採其葉去根莖花實洗
淨曝乾入甑中用酒蜜蒸之九遍焙乾搗篩細
末煉蜜丸如桐子大空心用酒或米湯下四五
十丸百服後耳目聰明千服鬚鬢變黑筋骨強
健大益氣血四肢不遂大有功

風熱膏梁厚味飲酒無度積熱生風或遍身癢
疹頭痒白屑生痰氣促氣實人宜防風通聖散
宣之或搜風順氣丸久久涼血養血蒼耳丸苦
參丸俱佳蒼耳丸○五月五日採蒼耳葉洗淨
晒乾爲末煉蜜丸桐子大每服四五十丸日三
服若身體有風處逐出如麻豆粒乃風毒出也
以針刺出黃水愈

火

有實火、有虛火、有鬱火、有陰火

脈洪盛、有力、口燥渴、目赤瘡瘍、二便秘塞等証

實火也、芩連梔相分經瀉之

脈數而無力、或虛大、羸瘦、兩顴赤、咽乾、消渴、午

後熱、咳嗽有血、或衄、屬陰血虛火盛、宜滋陰降

火

脈大而無力、或緩而數、色白、心煩、自汗、手心熱

倦怠、早飯後轉劇、九竅不利、食減、頭時痛、虛火

盛宜補中益氣

丹溪曰、火與元氣不兩立、一勝則一負、元氣一
回、火自退矣

脉沉伏而數、肌表熱如燎、捫之烙手、五心煩熱、
屬鬱火、鬱于肺則咳、鬱于胃則嘔、忌用寒涼、必
先升散、兩尺洪大爲腎經命門龍火、平人
兩尺脉洪大者、必遺精陰火盛也

丹溪曰、陰虛火盛者難治、虛火可補、參朮生
甘草之類、實火可瀉、芩連解毒之類、鬱火

可發、看、在、何、經、風、寒、外、束、者、宜、發、凡、火、盛、者、
不可驟用寒涼、必兼辛散、火急甚者、必緩之、
生甘草、兼瀉、兼緩、參朮亦可、人壯氣脉實火
盛、顛狂者、可用正治、硝黃水之類、人虛火
盛、狂亂、以生薑湯從治之、若投以硝黃、正治立
危、補陰則火自降、炒黃柏、地黃之類、凡氣
有餘、便是火氣、從左邊起者、肝火也、從臍下
起者、陰火也、五志過度、喜怒悲思不節、正氣
亢而鬱滯、不清變而爲火

東垣曰火者元氣之賊謂瀉氣所變之火非真陽也煩躁者

氣為火所升也黃連瀉心火枯岑桅子瀉肺

火條岑瀉大腸火柴胡黃連瀉肝膽火

木通下行瀉小腸之火知母瀉腎火白芍

瀉脾火冬月酒浸石膏瀉胃火人中白瀉

肝火小岑連以猪膽汁炒瀉肝膽之火最速

黃柏加細辛瀉膀胱之火青黛能收五臟鬱

火小小便降火極速陰虛火動非此不除山

梔子降火性能屈屈下行從小便中瀉出玄

參制浮遊之火四物加馬脛骨降陰火以代

岑連體薄之人有氣如火從臍下起入腹者

此虛極也乃火起九泉之下古謂十不救一倘

能清心絕慾養陰滋腎使真陰得復更加補益

亦可挽回若徒事服藥而不禁忌多致不救其

附子末津和貼湧泉穴引火下行法亦間或取

効壯盛人或酒客輩有此屬濕熱陰虛發

熱者四物加炒黃柏知母乃補陰降火至要之

劑氣虛加參木芪草或加龜板胃氣弱者忌地

黃泥膈先扶胃

丹溪曰陽旺則能生陰如失血後卽當用參芪歸地大補之若遷延日久虛火尅肺卽難用矣手心熱屬熱鬱當用火鬱湯或以梔子香附白芷川芎神曲爲丸服體厚有鬱者越鞠丸四肢倦怠而熱屬內傷兩手脉弦急而數嘔吐口乾耳鳴脇痛莫茱萸炒黃連佳與點丸一名清金丸瀉脾肺火効用黃岑酒浸一味爲末粥丸白睛赤煩渴引飲皮膚如火燎而以重手取之不甚熱熱在肺也黃岑一物湯妙火之爲病者十居八九須分經絡虛實兼痰挾氣務得其實方可下手上焦火盛頭不清口乾面赤涼膈散去硝黃實者全用中焦火盛心膈怔忡惡心痞滿岑連二陳薑炒梔子下焦火盛二便阻塞八正硝黃之類皆瀉有餘之火也左金丸原佐金以平木方用莫茱萸炒黃連大治肝火脇痛耳鳴目赤嘔吐至妙脉實勢盛龍薈丸妙肝心脾肺大腸小腸胃與膽皆能有

餘成火以五志過極也惟膀胱腎中龍火悉屬陰虛

黃連解毒湯 治一切火熱毒狂躁煩心口燥

咽乾有餘之火及傷寒汗下後不解目赤唇

焦神昏喘促欲成壞證

黃連 黃栢 梔子 大者生用 黃芩 各等分

右水煎服

宣明金花丸 治中外諸熱寢汗咬牙睡語驚

悸溺渴淋閉欬血衄血瘦弱頭痛并骨蒸肺

痿火嗽加梔子去黃連名梔子金花丸

黃連 黃栢 黃芩 大黃 各等分

為末滴水丸小豆大每服二三十九新水下

當歸龍薈丸 治腎水陰虛風熱蘊積時發驚

悸筋惕肌肉羸瘦腦膈不利耳鳴耳聾下疳

淋秘腸胃燥澁狂亂驚悸等症

當歸 草龍膽 大梔子 黃連 黃栢

黃芩 各一兩 大黃 蘆薈 各半兩 青黛 各半兩

木香 一錢 麝香 半錢

右為末煉蜜丸小豆大每服二三十九薑湯

下

神芎丸治一切濕熱痰火二便阻塞酒積食

積清利三焦宜通鬱結此藥下濕熱導滯甚

捷陰虛禁用

大黃

各二兩

牽牛

滑石

各四兩

黃連

薄荷

各半兩

川芎

右為末水丸小豆大白湯下十九至十五二

十九

紫雪紅雪內皆犀角羚羊硝麝等無非解毒辛

涼并散且黃金伯兩固非尋常可力辦者未經

用過不敢收入

中氣虛而風熱鬱結于三焦防風當歸飲最佳

用大黃瀉陽明之濕熱滑石利三焦之邪火使

熱從小便出黃芩涼膈柴胡解肌防風清利頭

目人參甘草以補氣當歸芍藥以補血瀉心肝

之陽補脾腎之陰不用辛香燥熱之味方大有

理治溫熱病後餘熱未退尤妙

涼膈散 治上焦火盛妙品

黃芩 梔子 薄荷 連翹 大黃

朴硝 甘草 水煎服一可為末

因時增減加蜜一匙和勻服

火鬱湯 治血中伏火身熱手心熱先發散

葛根 赤芍 防風 人參 柴胡

甘草 羌活 升麻

薑葱煎熱服

升陽散火湯 見發熱門

三補丸 瀉三焦

黃芩 黃連 黃柏

右等分為末水丸

左金丸 治肝火佐金以平木也

黃連 六兩 莫菜萸 一兩湯泡浸

右為末粥丸白木煎湯下

抑青丸 治肝火

黃連

右為末糊丸麻子大每服二三十九白湯下

石膏丸 瀉胃火并食積痰

石膏煨

右爲末醋丸菘豆大米湯下

丹溪曰上焦濕熱須用酒洗片黃芩以瀉肺火
實者宜之虛人反傷肺氣須用天門冬保定肺
氣然後用之如去中焦與癰須用黃連以瀉
心火如中焦有實熱者宜若脾胃氣虛不能轉
運及中焦有鬱熱者當用茯苓白朮黃芩葛根
代之若胸中煩熱須用梔子實熱者切當若
虛煩須用補藥爲主人參白朮黃芩芍藥茯苓
麥門冬大棗之類下焦濕熱腫痛并膀胱有
火邪者須用酒洗防己草龍膽黃柏知母固是
捷藥若肥白氣虛者宜二朮二陳南星滑石之
類如黑瘦人下焦濕熱腫痛必用當歸紅花
桃仁牛膝枳榔黃柏之類柴胡瀉肝火須用
片芩佐之片芩瀉肺火須用桑白皮佐之
梔子瀉三焦之火在中上二焦連殼用在下焦
須去殼水洗去黃漿炒焦色研細用之人中白

非獨瀉肝火又能瀉三焦火及膀胱之火從小便中出蓋膀胱乃此物之故道也

人中白散 治陰虛火盛及五心煩熱等症

人中白 二兩 黃栢 鹽水伴炒褐色 生甘草

青黛 各五錢

右為末每服二錢童便調服

導赤散 治小腸實熱

生地黃 木通 甘草稍

入竹葉煎服

瀉心湯 治心熱 黃連

右為末水調服

瀉黃散 治脾熱

藿香 七錢 石膏 五錢 山梔 一兩 甘草 三兩 防風 四兩

右為末用蜜酒伴勻略炒服二錢

瀉白散 治肺火肺熱骨蒸自汗宜此瀉之或

佐梔子黃連更審氣虛實

桑白皮 二兩炒 地骨皮 一兩 甘草 五錢

右為末每服二錢入粳米百粒同煎食後服

滋腎丸 壯水制火

黃栢

三兩酒伴陰乾

知母

二兩同上

肉桂

一錢半

右二味氣味俱陰以同腎氣故能補腎而瀉下焦火也桂與火同體故曰熱因熱用凡諸病在下焦皆不渴煉蜜為丸服

玄明粉

此藥大治上焦火邪膈上痰火臟腑秘塞燥渴能流濕潤燥以朴硝煎過澄清五次至夜于星月下露至天明自然結作清白塊磁罐按實于炭火上從慢至緊自然成汁煎沸直候不響再加頂火一煨便取出于淨地下上用盆合蓋了以去火毒然後研為細末每二斤入甘草生熟二兩為末一處攪勻臨臥酌量用之或一二錢以桃仁湯或葱湯下局方妙香丸 解五臟潮熱積熱大治時疫傷寒及小兒驚症功在開痰降火

巴豆

淨肉一百二十個

牛黃

片腦

膩粉

射香

各七錢半

辰砂

九兩

金箔

九十片

右研極細末煉蠟六兩入蜜七錢半同煉令
勻每兩三十九丸每服一九小兒菉豆大二丸
白湯下

腎虛火不歸經

腎虛火不歸經遊行于外而發熱者煩渴引飲
遍舌生瘡兩唇黑裂喉間如烟火上攻兩足心
如烙痰涎湧盛喘急脉洪大而數無倫按之微
弱者是也宜十全大補吞八味丸或問燥熱如
此復投桂附不以火濟火乎曰龍雷之火在人
伏于腎中因嗜慾陰虛而妄行故有以上諸症
桂附與火同氣也據其窟宅而招之同氣相求
火必下降矣人間之火可以濕伏可以水折龍
雷之火見水益熾天陰轉燔太陽一照火自尋
滅人之相火似之故腎虛火不歸經口破煩熱
必用八味丸是也蜀中火井投以水卽熾以灰
撲卽止

醫按載一七十九歲翁與少妾入房致頭痛發
熱眩暈喘急痰涎湧盛小便頻數口乾引飲遍

清淨彙編四卷
舌生刺、縮歛如荔枝然、下唇黑裂、而目俱赤、煩躁不寐、或時喉間如烟火上衝、急飲凉水少解、已瀕于死、脉大無倫、且有力、捫其身、烙手、此腎經虛火遊行于外、若誤作傷寒治、必死、乃以十全大補、加山茱萸、山藥、牡丹皮、澤瀉、麥門冬、五味子、附子、一鍾熟寐、良久脉虛俱減、三四再與八味丸服之、諸症悉已、後遇冷物而痊、

大尹沈用之、不時發熱、口飲水、水數碗、寒藥屢進、熱渴益甚、形體日瘦、尺脉洪大而數、時或無力、王太僕曰、熱之不熱、責其無火、寒之不寒、責其無水、法當補腎、加減八味丸、不月而愈、

一人年四十六歲、仲夏過慾、煩熱作渴、飲水不絕、小便淋瀝、大便秘結、唾痰如湧、面目俱赤、滿舌生刺、兩舌燥裂、遍身發熱、或時如芒刺而無定處、兩足心如烙、以冰折之、則痛、脉洪大無倫、以腎陰虛、陽無所附、浮散于外、非火也、蓋大熱而甚、寒之不寒、是無水也、當峻補其陰、遂以八味丸料、一斤、肉桂一兩、以水頓煎六碗、冰冷與

飲半餉已用大半睡覺而食温粥二碗諸症悉退翌日畏寒足冷至膝諸症仍至或以爲傷寒余曰非也大寒而甚熱之不熱是無火也陽氣亦虛矣急以八味丸一劑服之稍安四劑諸症復退大便至十三日不通以猪膽導之諸症復作急用十全大補湯數劑方痊

暑

體虛衝斥道途忽然暈倒脉微而虛或浮大而散或伏外症自汗身熱微煩渴爲中暑亦名中暍脉虛身熱得之傷暑暑傷于氣所以脉虛也脉虛大身大熱躁煩大渴汗大泄倦怠爲傷暑暑傷肺宜人參石膏湯解之汗少加蒼朮小水不利煩渴身熱者辰砂六一散解暑聖藥也惡心吐瀉煩渴脉虛者宜消暑分利黃連香薷飲對五苓散

脉虛倦怠食不甘爲熱傷胃氣宜補中益氣對
生脉散升麻柴胡俱用蜜炒果勞碌受暑加香
薷黃連

按香薷味辛淡辛能發散淡能滲泄乃夏月解
表利水之劑果身熱煩躁嘔吐小便不利者君
黃連以解暑靡不應手獲効若氣虛胃弱之人
食少體倦自當多服參芪豈可堪此發泄苟悞
用之是虛其虛也今人不分虛實常不夏月少
有不快一槩用之醫家往往爲臆所謂訛上傳
訛也因表而出之以爲重生者勸

薛師曰香薷飲乃散陽氣導真陰之劑也須審
有傷暑症而服有何患哉若元氣素弱或犯房
過勞而飲之適所以招禍也

戴氏曰暑有胃有傷有中三者輕重之分或腹
痛水瀉者胃與大腸受之惡心者胃口有痰飲
二者冒暑也可用黃連香薷飲黃連退熱香薷
消暑或身熱頭疼躁亂不寧或身如針刺此爲
熱傷在肉分也當以解暑白虎湯加柴胡氣虛

加人參或咳嗽發寒熱盜汗不止脉微者熱在肺經火乘金為中暑宜清肺湯柴胡天水散之類急治則可古方治暑風用蘇合丸大非

暑風

夏月卒倒不省人事為暑風其因有二有相火合暑邪內外炎灼而卒倒者有暑氣入而鼓激痰飲塞碍心竅則手足不知動攝而卒倒者皆可用吐法即內經火鬱發之之義吐醒後方可用消暑之劑調之亦有虛而不可吐者清暑用黃連香薷飲增減或辰砂益元散亦有挾食挾氣而致者宜詳審小兒多驚痰與食滯詳脉症為主惟脉虛者方可作暑治

暑風卒倒

暑中人先入心各從其類也一時昏迷切不可飲冷水并臥濕地其法先以熱湯灌之或童子小便亦可更以布蘸湯熨臍并氣海續續令暖氣透徹臍腹候醒然後進藥若途中卒然暈倒急扶陰處搦道上執土作窩于臍中令人尿其

內卽醒却灌人尿或攪地漿水飲之半碗或車輪上土五錢冷水調澄清服亦妙

辛苦役作市井人日間冒熱經營夜間露臥或開窻取涼而病頭疼寒熱卽同非時暴感若作癰狀者六和湯加減或鼻流清涕出熱氣者六和湯加川芎羌活黃芪一方用大蒜三兩瓣細嚼溫湯下禁冷水遠行受暑閉住汗孔急取熱湯嚼生蒜三四瓣妙無病之人避暑深堂水閣內食水果輕則霍亂吐瀉重則腹痛厥逆當從陰症治古方大順散是也

古方清暑益氣湯原爲感長夏濕熱之氣而病者設內有二朮澤瀉黃柏是滲濕清熱也不可不知

夏月無病只宜服補劑以陽氣盡發于外體內虛也惟生脉散加芪朮陳皮炒黃柏煎湯妙切忌發泄

近製清暑益氣湯

人參 白朮 麥門冬 五味子 陳皮

甘草

炙

黃栢

炒

黃芪

蜜炙

當歸身

隨人加減薑棗煎

治暑之法清心利小便黃連香薷飲是也暑傷氣汗多體倦須補氣忌分利行人農夫于日中勞役得之為中暍其病必苦頭疼發躁熱惡熱捫之肌膚大熱大渴引飲汗大泄無氣以動乃天熱外傷元氣宜益氣清暑十味香薷去厚朴木瓜加五味石膏知母取涼大過寒熱無汗是周身陽氣為寒所遏也當從傷寒治大羌活湯加減兼內傷水果生冷當溫中發散炮薑確砂之類

治暑渴方

生地

麥門

牛膝

黃栢

炒

知母

葛根

甘草

水煎服

生脉散 生津止渴夏月攝生者不可少

孫真人曰夏月宜五味以補五臟氣夫夏月宜補者補天真元氣非補熱火也人參之甘

補元氣瀉熱火麥冬之苦寒補水之源而清
肅肺金五味之鹹酸以滋水汗多加黃芪食
少不運加白朮麥芽

木人參 麥門冬 五味子

水煎湯代茶

薛氏曰若人元氣不足用白虎香薷等不應宜
補中益氣湯大抵夏月陽氣浮于外陰耗于內
若人勞倦飲食內傷中氣或酷暑勞役外感暑
氣者多患煩熱汗渴倦怠頭痛有類外感法當
調補元氣為主少佐解暑先哲多用薑桂附子
者乃從內經捨時從症之良法也今患暑發而
手足指甲皆青紫皆不究其因不溫補其內而
泛用香薷飲之類所悞也

人參白虎湯 治中暑自汗煩渴脈虛

人參錢一 知母錢二 石膏錢五 甘草錢一 入粳米

一撮水二鍾煎一鍾如伏暑作寒熱未解宜
和五苓散同煎服如無汗躁煩加桂煎服不
拘時

十味香薷飲 消暑和脾胃

香薷兩一 人參 陳皮 白朮 黃芪

扁豆 甘草 厚朴 乾木瓜 白茯苓

冬五錢

右為末湯調二錢不若煎服妙

五物香薷飲 驅暑和中通用

香薷去土三兩 白扁豆炒 厚朴薑製 白茯苓各一兩

甘草五錢

每服五錢水煎服 內加黃連名黃連香薷飲

東垣清暑益氣湯 治長夏濕熱蒸人人感之

四肢困倦精神短少懶于動作胸滿氣促肢

節疼痛或氣高而喘身熱而煩心下膨悶小

便黃而數大便澇而頻或痢或渴不思飲食

自汗體虛

黃芪 蒼朮 升麻各一錢 人參 白朮

神曲 陳皮 澤瀉各五分 炙甘草

炒黃柏 麥門冬 當歸 葛根各三分

五味子九粒 青皮一分

水二鍾煎一鍾温服食遠

益元散 治中暑身熱小便不利此藥性凉除

胃脘積熱又淡能滲濕故利小便而散濕熱

也

五苓散 治中暑煩渴身熱頭痛霍亂吐瀉小

便赤澀如心神恍惚加辰砂與桂名辰砂五

苓散 不應桂苓甘露飲

桂苓甘露飲

桂心 人參 黃芪 茯苓 白朮

甘草 葛根 澤瀉 石膏 寒水石

滑石 二兩火 散另研 木香 一錢 藿香 半兩

右為細末每服三錢白湯調下

夏月多飲冷水或食瓜果冰涼太多中脘痛霍

亂吐瀉古方用大順散或香砂理中湯痛者去

參朮加肉桂吐加厚朴二陳瀉加五苓當從食

陰治

一人夏食羊肉太多作渴煩躁自為受暑用凉

水調一元散躁渴愈甚診之脉雖滑不鼓隨以

治法彙考四卷 暑
四十三
鹽湯吐之、得生肉碗許、乃以二陳加草菓、肉桂、厚朴、山查、調理而安、若用涼藥作暑治、立見其斃、

夏月煩渴不可遽為暑熱、而用香薷益元散、須斟酌之、果脉虛大、自汗煩渴、遠行不用冷物、無房事、方可作暑治、

大順散 治夏月過食米果冷物、引飲過多、霍亂、水穀不化、不分陰症、

甘草 乾薑 杏仁去皮 肉桂

水煎服、腹痛脉小欲絕、手足青冷者、加熟附

子、炒白芍、

六和湯 治脾胃不調、夏月飲水過多、氣不升、降、霍亂吐瀉、轉筋、寒熱、脹懣、

宿砂 半夏 杏仁 厚朴 人參

甘草 藿香 木瓜 香薷 赤茯苓

白扁豆

薑棗煎服

夏月病者、不可遽為暑、必憑症分陰陽、辨寒熱、

察虛實以治緣夏月陽氣盡出于外兼之出汗元氣虛者十居八九所以體倦多睡虛煩手足心熱或腹痛瀉者皆脾弱所致必補中理脾為主誤服寒涼禍必旋踵淺見者夏月有病悉指為暑富貴高庭大廈暑從何來必衝斥道途勞碌而脉虛身熱出汗者方是暑以暑傷氣所以脉虛細也

來復丹 治伏暑上盛下虛裏寒外熱瀉泄如水等症第石藥之性悍不若補脾為佳姑筆之以備參考

硝石

硫黃

各一兩共末微火炒用研枝攪研末名二氣末

太陰玄精石

研飛

五靈脂

青皮

陳皮

各二兩

共拌勻醋糊丸豌豆大每服三十丸空心米

飲下

傷暑泄瀉胃苓湯佳妙在肉桂以夏月人多用冷飲食梅湯水果也腹痛甚須加砂仁炮薑有積加木香檳榔果脉洪數口苦乾燥見火症乃可用黃連香薷飲加五苓及益元散

嘔吐惡心、有宿滯氣、口必滑、當從食治、果受暑、暑氣傷胃者、黃連香薷飲、加藿香。○嘔而作渴、香薷湯浸冷服。

傷暑發熱、有表症、脈數者、大羌活湯。

胃暑飲酒、引暑入腸內、酒熱與暑氣相併、發熱大渴、小便不利、其色如血、生料五苓散、去桂、加黃連一錢、或五苓散去桂、吞酒煮黃連丸。

暑氣入腸胃、而大便艱澀不通者、加味香薷飲、仍佐以三黃丸。

暑氣入心、身煩熱、面赤、辰砂五苓散、或香薷加黃連一錢。

傷暑而傷食者、其人頭昏、於背寒、自汗發熱、畏食惡心、噫酸臭氣、胸膈痞滿、六和湯倍砂仁。

若因暑渴、飲食冷物、致以傷生冷、外傷暑氣、亦宜此藥。

濕

有表有裏有濕熱有寒濕有風濕有濕痰○脾
虛多中濕 脉濡而浮外症關節疼痛四肢痿
弱表中濕也名曰濕痺宜滲泄分利五苓加減
發黃加茵陳 若關節重痛浮腫喘滿腹脹煩
悶昏不知人其脉必沉而緩或沉而微細宜除
濕湯或白朮酒此名中濕 有破傷處因澡浴
濕從瘡口入其人昏迷沉重狀類中濕名曰破
傷濕宜白朮酒

濕熱脉濡細而數遍身痛痺小水短畜屬濕熱
詳上下部或汗或滲 詳見痛風門

寒濕脉沉遲而濡身無熱但吐瀉小水自利清
白口不渴身痛重着或手足腫痛者為寒濕宜
分滲溫中胃苓加炮薑木瓜重者加附子

風濕脉浮身重不能轉側自汗或額上多汗為
風濕乃先傷于風又冒風所致不宜大汗宜微
解漬漬然似欲汗者則風濕俱去矣若大汗則
風去濕在 大羌活湯最妙 濕鬱于頭鼻塞發

黃瓜蒂散畜鼻妙

濕痰脉濡而滑或沉緩而滑四肢流注或項背
強恒見于肥白之人是濕痰宜滲濕化痰二陳
二朮羌活防風等加減 詳見痛風門

濕在上宜微汗而解濕在中宜利小便久在下
而勢微宜升提之須兼補脾 濕有自外而得
者坐臥卑濕衝斥風雨汗出沾衣是也自內而
得者恣飲乳酪酒漿多食柑橘瓜果熱氣拂鬱
有如氣汗水是也 大抵皆宜發汗及利小便

使上下分消為佳

丹溪曰濕本為土氣火熱則生濕土故夏熱則萬物滋潤秋涼則萬物乾燥而熱氣拂鬱則生濕濕鬱則生痰故用二陳加酒岑羌活防風去風行濕蓋風能勝濕也大抵以利小便為上策故曰治濕不利小便非其治也濕盛腹脹滿甚而小水不利葶藶木香散佳治濕者固當以

二朮為君以補脾為主然亦有濕氣盛膨脹者又當以利小便行濕為先補脾藥未可遽用或以二朮為君而利水藥為臣使或以木通澤瀉豬苓葶藶車前子等利水藥為君參朮茯苓補脾為臣使有本而標之者有標而本之者全看緩急處治

本草曰蒼朮治濕上下部俱可用

脾胃受濕沉困無力怠惰好睡須二朮為君上部濕蒼朮最烈下部濕宜升麻提之外濕宜表散內濕宜滲泄濕盛身重痛羌活盛濕湯平胃散之類風濕相搏一身盡痛防已

勝

黃芪湯佳。濕盛而氣實者以神祐丸舟車丸下之。虛者補脾滲濕。肥白人怠惰是濕痰。氣虛二陳人參白朮。瘦人怠惰是血虛有熱。黃芩白朮歸芍。濕盛身痛小便不利體重發渴者五苓散加羌活一倍煎服妙。

若因浴出未解裙衫身上未乾忽爾熟睡攻及腎經外腎腫痛腰背攣曲只以五苓散一點入真坏少許下青木香丸如此三服臟腑纔過腫消腰直其痛自止。

脾胃為水穀之海七情勞碌鬱悒內傷脾弱不能運化水穀之氣拂鬱成熱熱氣燻蒸釀成濕氣傳化不及漬入四肢為腫為痛人壯氣實而初病者先攻其濕滲利小便虛人攻補兼施健脾導水乃標本兼治若一槩妄治愈攻愈虛腫痛愈甚漸加氣短妄認為喘五子五皮反瀉其氣卒至天枉莫之能悞悲夫。

麻黃白朮散 治感風濕身痛無汗發熱者

麻黃 白朮 甘草 桂心 杏仁

水煎服

羌活勝濕湯

治感風濕脊痛項強腰似拆項

似拔上衝頭痛及足太陽經不行

羌活 獨活 藁本 防風 蔓荊子

川芎 甘草

如身重腰沉沉然乃經中有濕熱也加黃柏

一錢附子三分蒼木二錢水煎服

平胃散 治脾胃不和濕氣阻碍清道用此以

平其壅滯

蒼木

米泔水浸五斤

厚朴

薑汁炒

陳皮

各三斤二兩

甘草

炒三兩

右為細末每服五錢薑棗煎入塩一捻或沸

湯點服

防已羌活湯

治風濕相搏客在皮膚四肢少

力關節煩痛脉浮身重汗出惡風

防已

一錢

甘草

炙五分

白木

七錢半

黃芪

一錢二分

薑棗煎服喘加麻黃胃不和加芍藥氣上衝

加桂心下有寒加細辛

升陽除濕湯 治脾虛不能運化、濕盛瀉泄見

瀉門

三花神佑丸 見痰門

舟車丸

大黃 二兩 甘遂 大戟 芫花 青皮

陳皮 各一兩 牽牛 頭末四兩 木香 半兩

右為細末水丸桐子大每服六十九丸白湯下

二方藥性標悍非氣實濕盛認真者不可輕

用慎之慎之

茯苓湯 治脾虛手足浮腫小便赤澁氣急喘

滿

赤茯苓 澤瀉 香附子 桑白皮

大腹皮 陳皮 乾薑 各等分

病後產婦須大補脾虛回腫自消

蒼朮丸有塩酒二製者有加童便米泔四製為

丸者無非滲濕補脾以脾喜燥故也大抵肥

盛人宜此瘦人液少忌用

一切痰涎濕熱蘊結臟腑秘澁腸胃積熱留飲

神芎導水丸佳卽神芎丸減黃連薄荷川芎各五錢是也

葶藶木香散

葶藶子 茯苓 猪苓 白朮 木香

澤瀉 木通 甘草 桂枝 滑石

原方爲末湯調不若煎服妙

經驗白朮酒治中濕遍身疼痛不能轉側及皮肉痛難着蓆白朮一兩無灰酒盞半煎一盞去渣溫服

甘草附子湯 治風濕相搏一身盡痛不得屈

伸近之痛劇汗出短氣小便不利惡風不欲去衣身體微腫而痛

甘草 桂枝 附子 白朮

薑棗煎服

瓜蒂散 治寒濕中頭面黃鼻塞而煩脉數大

瓜蒂 一味爲末

右以此少吹鼻中其水自下濕痰濁液留于上焦頭目肩背脹痛麻痺者立驗

躁

脈澁而緊或浮而弦或細而澁或乾而虛

大都因血虛有火變為燥病易曰燥萬物者莫

熯乎火是也 在外則皮毛枯槁在上則咽乾

口燥在中則煩渴不已治宜生津養血涼血滋

陰潤燥切忌燥劑如半夏蒼朮之類

丹溪曰皮膚皴揭拆裂血出大痛或肌膚燥痒

皆火燥肺金燥之甚也宜四物去川芎加麥門

冬人參天花粉黃柏五味子之類治之

生血潤燥飲 治血中有火時值秋燥皮膚拆裂手足枯燥搔之血出痛楚指甲反出而莫能搔痒

劍門川歸 生地 熟地 黃芪 各一錢 天門 半錢

麥門 錢一 五味 粒九 片苓 酒洗五錢 栝萋仁

熟平桃仁泥 各五分 酒紅花 分一 升麻 分二

大水煎服大便燥加麻仁郁李仁

瓊脂膏 治血虛皮膚枯燥及消渴等症

生地黄 二十斤洗淨 鹿角膠 一斤

白沙蜜 二斤煎一二沸掠去上沫 真乳酥油 一斤

生薑 二兩搗取真汁

先將地黃汁文武火熬數沸以絹瀝取淨汁

又煎二十沸下鹿角膠次下乳酥及蜜同

煎良久候稠如餳以磁罐盛每服一二匙

空心溫酒調下

瓊玉膏 治症同前及肺虛咳嗽甚者 凡虛損

天門冬膏 治血虛肺燥皮膚拆裂及肺痿唾

膿血症

天門冬

新掘者不以多少無則用乾者去皮心潤透搗爛絞取汁澄清以布漚其查用銀砂鍋慢火熬成膏每用一二匙空心溫酒調服

地僊煎治諸燥症

山藥一斤杏仁去皮生牛乳汁二升

右將杏仁研細入牛乳山藥拌勻絞取汁用

新磁瓶密封重湯煮一日每服一二匙空

心溫酒或湯調下

和血益氣湯 治口燥舌乾便數舌上赤脈此

藥生津液除乾燥生肌肉見消渴門

當歸潤燥湯 治大便秘塞乾燥結硬兼喜溫

飲陰頭退縮舌燥口乾眼澁難開等症

生津甘露湯一名清涼飲子

治消中能食而瘦口乾舌燥自汗大便硬

小便數

生津甘露飲同上法

辛潤緩肌湯 治諸燥饑渴及皮膚燥澁等症

四方俱見消渴門

潤腸丸 治大腸乾燥秘結能潤燥和血

潤燥湯 治同上

活血潤燥飲 治大腸風秘血秘常燥結

通幽湯 治在幽門以辛潤之門四方俱見秘結

中寒

脉沉遲或伏或微弱外症四肢強直口噤目瞪
面色清白或自汗或吐利卒然得于嚴寒之時
氣虛表弱寒邪乘虛直入于三陰之經所致與
中風相類但脉不浮無痰聲為異耳當溫中散
寒兼表症脉浮遲微弱者五積散沉遲而微者
理中湯加桂枝重者加附子乃倉卒受邪暴病
不分經絡惟當溫補參朮炮薑肉桂有汗加黃
芪脉不至加當歸

霹靂散用附子一枚炮熟細研入真臘茶一錢用一半水一盞煎六分臨熟入蜜半匙放溫服之

五積散 治表裏虛豁寒傷內外外症身痛脊強頭疼惡寒或熱或不熱內証中腕臍腹絞痛吐瀉霍亂脉沉伏欲絕者急煎投之

川芎 當歸 白芍酒炒 二陳 桂

麻黃 桔梗 枳殼 厚朴 炮薑

人參 白芷 蒼朮

薑棗煎

真武湯 治寒中少陰小腹絞痛小便不利四肢沉重瀉利

附子錢半 茯苓

白芍炒 生薑各三錢 白朮二錢

水煎服

蔥熨法陰症直中腎少陰之經慾事後感寒或多慾陽虛寒乘虛入臍腹絞痛手足青紫厥逆脉微欲絕急煎附子理中湯外用葱一束如茶盞六扎緊切一指厚一段置臍上以熨

斗火熨之、熱氣透入腹、逼邪外出為佳。

中寒脉伏、昏憤急、用艾灸丹田、氣海、二三十壯、

以續陽氣妙。

凍死人、微有氣、速灸丹田、灌薑湯即活、若用火

烘、逼寒入心、則大咲而死、與熱死人不可與

冷水義同。

理中湯

人參

白朮

甘草

乾薑

水煎服

傷寒病中、惟此最難、要得其肯綮耳、其詳

細具見六書、此特鈞其玄耳、醫者先看

六書、後從此用藥、自無差忒矣。

霜降以後、春分以前、凡有頭痛惡寒、四肢拘急、

身大熱、脉浮而緊者、是即病傷寒、須麻黃湯加

羌活防風川芎汗之、脉淨身涼為愈、看所挾而

兼用藥、如汗出不輒、仍見太陽証、猶宜汗之、不

解即傳變矣、須分經絡。

脉浮而長、或目痛鼻乾不眠、屬陽明、升麻葛根

湯加減。脉弦而長，外症耳聾脇痛嘔吐，屬少
陽半表半裏，小柴胡加減。脉不浮而沉數，腹
脹滿咽乾自利，謂瀉也，屬太陰，柴苓湯加減。脉
沉數有力而洪，舌乾口燥，屬少陰，黃連解毒白
虎陷胸，大柴胡湯選用。脉愈沉數，舌卷陰囊
縮煩躁，脹滿屬厥陰，三承氣看輕重用。小腹
脹滿，小便自利，其人如狂，為畜血，一名熱入血
室，男女俱有此血室，在男子則下血，譫語，在女
子則經水適來適斷，其血必結，小柴胡加歸尾
調之。男子譫語，其血自下者吉。結而如狂，
發黃者，桃仁承氣湯。

此六經脉症治法，大略如此，至有隨機應變，又
有不同，或發汗，或解肌，或和解，或分利，或攻下，
或潤燥，神而明之，存乎人，初無定法，大都不越
乎陰陽表裏寒熱虛實而已。

其春夏秋三時，有感冒非時暴寒而病者，脉病
與傷寒同，惟治法少異。表症見者，羌活中和
湯微汗之。汗後不解，頭身不痛，但熱不寒，反

兼胸膈飽悶者小柴胡加枳桔口乾加小陷胸
裏症見者大柴胡湯微利之大抵四時此症
挾內傷飲食者十居八九治之須審輕重左
脉浮緊大于右手外見表症內有微熱兼飽脹
惡心者屬外感重而內傷輕右手緊滑大于
左胸口脹痛嘔吐寒熱頭痛身不甚拘急屬內
傷重而外感輕初起必先發散藿香正氣加減
後清熱消導熱甚口乾黃胎心下硬痛屬
燥屎為患陷胸白虎解潤之不巳枳實導滯丸
勢盛用大柴胡或加砒硝如無外邪只從傷食

治

脉沉遲微弱或雖大按之無力頭不痛但身痛
如被杖四肢厥逆或雖渴不欲飲水舌上白胎
躁極欲坐臥于泥水中或腹痛瀉利者屬陰屬
寒脉浮數弦長形壯有力頭痛身熱煩渴引
飲舌乾口燥目赤唇焦屬陽屬熱脉浮緊或
浮緩若浮緊有力無汗為表實浮緩無力有
汗為表虛頭痛脊強目脹惡寒發熱為表實

脉沉實而數、或遲、沉實有力、爲裏實、虛遲無
力爲裏虛、腹堅滿痛、多日不大便、屬裏實、
脉微澁、虛浮無力、自汗短氣、出言懶怯、手足冷
逆、身雖熱、而神短、屬虛、脉實形壯有力、或洪
身熱無汗、出言壯厲、躁亂不寧、爲實、邪氣盛
則實、凡狂妄中滿、嘔吐、頭痛、拘急、按之石硬、二
便秘塞、一切有餘、皆實也、正氣奪則虛、凡倦
怠、體羸、不食、不眠、喘汗、一切不足、皆虛也、脉
不浮不沉、或弦或長、或數或洪、外無表症、內無
裏症、但寒熱往來、口苦、或脇痛、或胸滿者、屬半
表半裏、此病之常、脉症如此、其變又有不同、
浮爲表症、浮緊有力、外症無汗、惡汗爲表實、
浮緩無力、外症自汗、惡風爲表虛、沉爲裏症、
沉實有力、內見腹滿、堅硬、大便硬、咽乾、口燥、舌
胎爲裏實、沉遲無力、外症面青、厥逆、腹痛、瀉
利、嘔吐、爲裏虛、脉數爲熱、浮數爲表熱、沉數
爲裏熱、數而有力、惟實熱、無力爲虛熱、
節菴先生論脉、不分浮沉大小、但指下無力、重

按全無者必是伏陰忌下涼劑犯之必死以發
前人之所未發旨哉言乎第內傷元氣一病脉
皆無力不可不辨皆當以所兼之症并所得之
因參之庶無差謬或元氣素弱色慾過度腠理
疎豁寒邪乘虛而直入于三陰之經故曰陰症
乃初起不見熱症暴病也若不卽治逼其虛陽
上攻反見面赤煩躁等熱症名陰盛格陽一名
陰極似陽其躁時欲坐臥于泥水中內雖渴不
欲飲水脉又無力以此別之

有病本屬陽未傳入裏悞服涼藥過飲冷水變
爲陰症或過食冷物或食後飲冷水爲食陰之
病皆當從陰治而用炮薑肉桂等熱劑若脉雖
無力外症身熱自汗體倦手足心熱忽時作寒
口不知味出言懶怯者自屬內傷元氣補中益
氣湯之病當從內傷門若將內傷元氣陰虛之
病悞認爲伏陰妄投熱藥禍不旋踵法具內傷
門

兩感

初起頭痛脊強表症又兼口燥渴等裏症是爲
兩感謂表裏俱感也三陽經形症兼三陰形症
表裏不一治難措手所以多歿善治者當審孰
急以法治之如表症多者當先解其表裏症多
者當先攻其裏仲景所謂治有先後是也余常
以六神通解散加岑連次用解毒合白虎加熟
大黃往往獲效要在臨時變通耳

合病併病

三陽經或二陽經悉受其邪相合而病者爲合
病症多自利一經病未盡又過一經其邪歸併
于一經者爲併病當隨症施治無越表裏汗下
和解一症濕暍風溫風濕溫瘧痰飲食積
虛煩內傷皆類傷寒脉症相類也不得與傷寒
同治各見本門

傷寒見風傷風見寒

外症屬傷寒頭痛脊強無汗惡寒而脉浮緩爲
傷寒見風以傷寒之症見傷風脉也外症屬傷
風自汗惡風而脉浮緊爲傷風見寒以傷風之

症而見傷寒之脈也。二者為榮衛俱病。冬時用
大青龍湯。麻黃杏仁以散榮中之寒。桂枝石膏
以解衛中之風。風宜辛散。寒宜甘發。辛甘相合
乃能散榮衛之邪也。他時羌活沖和妙。
麻黃湯 冬月正傷寒表藥

麻黃 桂枝 杏仁 甘草 每服三錢

桂枝湯 冬月傷風表藥

桂枝 芍藥 甘草 薑棗水煎服

葛根湯 陽明經表藥

葛根 赤芍 葱白 生薑 麻黃 桂枝 大棗

小柴胡湯 少陽經和解藥

柴胡 黃芩 半夏 人參 薑棗煎服

薑棗煎

小青龍湯

桂枝 芍藥 甘草 五味子 生薑

麻黃 半夏 細辛 每服五錢 水煎服

大青龍湯 治傷寒見風傷風見寒煩躁頭痛

身熱兼有水伏胸膈

麻黃 桂枝 杏仁 甘草 石膏

薑棗煎

大柴胡湯 治表熱未淨裏症又急不得不下

只得以此湯通表裏而緩治之

柴胡 黃芩 半夏 赤芍 大黃

枳實

薑棗煎量輕重下藥

大承氣湯 大熱結實_實用之乃三焦俱受病痞

滿燥實堅全見

碎硝 大黃 枳實 厚朴 甘草

厚朴枳實去滿大黃瀉實去熱碎硝鹹寒潤

燥軟堅薑棗煎

小承氣湯 病在上焦則為痞實前方去碎硝

恐傷血分之真陰謂不伐其根也

調胃承氣湯 病在中焦則有燥實堅三症用

調胃承氣湯前方去枳實厚朴恐傷上焦虛

無氤氳輕清之元氣

桃仁承氣湯 治下血譫語或經水適斷下盡

黑物則愈

桃仁 桂枝 砒硝 大黃 芍藥

節菴加柴胡 青皮 甘草 枳實

薑三片煎成搥法加蘇木汁三匙

小陷胸湯 邪傳心下未全入胃用此以瀉心

下之邪

半夏 黃連 瓜蒌 薑棗煎

大陷胸湯 下早邪客心下按之實硬痛大結

胸也用此瀉之

芒硝 大黃 甘遂

白虎湯 治正陽明府症舌乾口燥或下後舌

不潤煩渴

石膏 甘草 知母 粳米

玄參升麻湯 治少陽陽明二經熱盛咽痛班

毒不出

玄參 升麻 甘草 白水煎

黃連解毒湯 治汗下過經不解一切壞症傷

寒餘熱不淨神方

黃連 黃栢 梔子 黃岑

涼膈散 治上焦熱盛及雜症熱極生風見火門

九味羌活湯 治非時感冒見疫門

六神通解散 解利兩感及春夏感冒暴寒頭

痛寒熱躁渴 解利兩感及春夏感冒暴寒頭

麻黃 滑石 石膏 蒼朮 甘草

大豆豉 黃岑 薑 葱

煎服取微汗愈 久汗不出藥中加青皮紫蘇則出

傷風

尋常傷風頭痛眼脹鼻塞清涕咳嗽脈浮數者
火鬱于上也參蘇飲加桑杏妙在木香○冬月
加麻黃輕于解散不必大取汗也

參蘇飲 治感冒發熱頭疼或因痰飲凝積發
以為熱並宜服之若感冒發熱亦如服養胃
湯法以被蓋臥連進數服微汗即愈尚有餘
熱更徐徐服之自然平治因痰飲發熱但連
日頻進此藥以熱退為期不可預止雖有前

治法彙四卷
胡乾葛但能解肌耳既有枳殼橘紅輩自能
寬中快膈不致傷脾兼大治中脘痞滿嘔逆
惡心開胃進食無以踰此母以性涼為疑一
切發熱皆能取效不必拘其所因也小兒室
女亦宜服之

乾葛

前胡

半夏

人參

茯苓

去皮各七分半

木香

枳殼

炒

桔梗

甘草

紫蘇葉

陳皮

去白各五分

水一盞半薑七片棗一枚煎六分去渣溫服
不拘時

藿香正氣散

治傷寒頭痛憎寒壯熱或感濕

氣霍亂吐瀉常服除山嵐瘴氣伏暑吐瀉脚
轉筋加香薷扁豆黃連名藿薷湯

大腹皮

白芷

茯苓

蘇莖葉

藿香

各三兩

厚朴

白朮

陳皮

去白

苦梗

半夏

各二兩

炙甘草

一兩

右每服三錢薑三片棗一枚煎熱服

瘟疫

眾人一般長幼相傳染乃天行疫癘也然毒氣
滋蔓甚于燎原迎之者靡不焦爛良工須詳脉
症分別經絡庶乎用藥無悞今將古今經驗大
法疏注于左以為初學之楷梯云

瘟疫初起表症見者尤味羌活湯敗毒散消息
散之微汗而解如已汗而熱不解脉洪而長或
弦急眼脹鼻乾或耳聾脇痛少陽陽明症見者
柴葛解肌湯主之如再不解須看有無斑症

或心煩不安身痛如束或足冷耳聾或咳或嘔
便是發斑之候升麻葛根湯主之以斑盡出爲
度脈伏心煩謂之欲斑煩止人淨肌膚中無隱
隱之狀始爲斑靜斑已出口乾脈洪用竹葉
石膏湯以化之洪而無力兼體虛煩渴本方加
人參麥門冬知母冷汗出自愈脈洪數有力
心下硬痛舌乾而胎色漸黃黑色乃燥糞爲患
也大柴承氣看微甚而下之更衣舌潤爲愈
或燥糞未淨舌仍燥者量元氣虛實斟酌湯劑
勢微而氣虛者小陷胸湯加枳實柴胡厚朴或
枳實導滯丸徐徐調理取下滯爲佳稟壯而
氣實者猶當下之若汗後不解身不疼不煩躁
但身熱而嘔者小柴胡加減和之若心下有滯
而裏熱淺去苓加消導藥膈上滿悶小柴加
枳桔心下脹滿小柴胡加枳實厚朴三四日
不解熱又漸深煩渴硬痛關寸實大有力分輕
重下之若無裏症但熱而瀉者小柴對五苓
散渴者去桂留苓不渴者去苓留桂內有寒

而腹痛、理中湯、溫之、須脈沉小、不渴、無熱、症方
可用之、服後痛瀉俱止、但熱未淨、仍用小柴胡
和之、亦有伏寒在內、逼其虛火上攻、反面赤
煩躁、欲坐臥于泥水中、飲水即吐、爲陰極似陽
之症者、又不可不辨、陰寒之痛、綿綿不止、雖
脈洪大、按之無力、陽症之痛、時作時止、脈實有
力、小便必數而黃、但煩不躁、此爲異耳、若傳
染在春夏間、熱症殊多、寒症差少、若脈來洪數
無表裏症、但目赤唇焦、煩渴昏憤、當用涼膈散
去硝黃、加解毒一二味、勢甚者、三黃石膏湯
主之、汗熱止爲愈、其妙正在麻黃、今人不知減
去、往往未得取效、若表已解、小便不利、是膀胱
本病、五苓散利之、桂不可減、熱毒鬱極、必
發黃小柴、合去桂、五苓散不退、用茯苓滲濕湯
發狂不識人、脈實者、大柴胡加當歸微下之、
狂而自利、先用柴苓、不應、三黃石膏解之、若
初起未的、且先以敗毒散發之、看歸在何經、隨
經施治、大都疫初起、宜辛涼解散、次則和解、

解毒必裏症全具而脉實舌燥口乾心下堅滿
方可攻下若飲食在胃腕中未曾腐熟糟粕未
成雖岑連瓜瓠等俱不可用况硝黃乎世有潤
腸丸一方原爲腸中熱甚津液乾涸糞得燥而
滯于幽門之分不得出以致小腹滿悶或痛故
用桃仁泥栝子等油潤藥以潤其燥使尿易下
乃立方之初意也今人不知惟務速效競以大
黃巴豆類聚成丸若糞未燥尚在胃中未入廣
腸一槩用之食爲苦寒所鬱結而不下中氣被
受傷民多寒疫多兼瀉利忌用潤劑宜滲瀝理
脾
丙戌壬午二年冬旱病從頤頤腫先用敗毒散
微汗之次以酒岑連薄荷玄參甘桔鼠粘子升
麻連翹大便實者加熟大黃頻頻緩服多効一
人多用犀角水加服亦是散陽明經邪熱也効
疫氣中人有淺深由所稟異也表實則感邪輕
而淺體虛則感邪重而深治當從中而用陽明
少陽二經藥目痛鼻乾脉弦而長屬陽明升麻

葛根湯往來寒熱耳聾脇痛脉弦而數屬少陽
小柴胡湯隨症加減殊爲切當

丹溪曰衆人病一般者此天行時疫也治有三
宜補宜散宜降用大黃黃芩黃連人參防風滑
石紫草人中黃神曲糊丸每服六七十丸氣虛
四君子下血虛以四物湯下痰多二陳湯下熱
甚者加童便

瘟疫渴用小柴胡加石膏知母 濕瘟渴蒼朮

白虎湯

傷傳導失職宜乎有結胸之變也予小子非敢
妄議第恐入門之士憊而蹈輒况忝居司命之
職不容不辯明哲幸諒之 若表已解餘熱不
盡其人狂而不甚小腹硬滿小便自利乃畜血
爲患也宜桃仁承氣加減

饑荒歲多疫然荒必因水旱氣候失和偏寒偏
燥加以飲食失節以身之虛逢天之虛則病作
歲在萬曆壬午久旱民饑熱疫流行起于寒熱
拘攣次變斑黃狂躁死者相繼大都渴躁發斑

者多右氣口脉多大皆饑飽不時所致用人參
敗毒散先發其表次用人參柴胡湯以和解右
脉大于左自汗心下不脹無表裏症見者補中
益氣湯活者甚多因中氣先因饑餒受虧已屬
內傷不足之病若用正傷寒之法大汗大下寧
不殺人

疫病當分天時寒喧濕燥病者虛實安逸因時
制宜不可拘泥如久旱天時多燥熱疫流行忌
用燥劑宜解毒潤燥天久淫雨濕令大行脾土

三黃石膏湯 春夏溫熱病至六七日舌燥目

赤班後用此神效

石膏三錢 黃芩 黃連 黃柏各錢半 鼓半合

麻黃一錢 梔子

水煎熱服

敗毒散 治瘟疫初起表藥四時通用

羌活 獨活 前胡 柴胡 川芎

枳殼 桔梗 白朮 人參等分 甘草減半

右爲末每服三錢加生薑三片水盞半煎至

一盞温服或沸湯點服亦可此藥治瘟疫

表症効

九味羌活湯

見傷寒門

黑奴丸

治瘟疫發斑煩躁大渴及時行熱病

六七日未得汗脉洪大而數面赤目眩身痛

大熱狂言欲走渴甚及五六日已上不解熱

在胸中昏憤譫妄或不能言為壞傷寒醫所

不治棄為死人精氣已竭心下尚温拚開口

灌之藥下即活

黃芩

釜底煤

芒硝

麻黃

梁上塵

小麥奴

灶突墨

各一兩

大黃

一兩三錢

右為細末彈丸子大新汲水化服服下足發

寒寒已汗出乃瘥時頃不汗須見微利若

不渴不可與此藥

大無神木散

治四時瘟疫頭痛項強增寒壯

熱身痛山嵐瘴氣之妙劑也

陳皮

蒼朮

厚朴

各一錢

甘草 石菖蒲

各一錢半

藿香

右爲細末作一服薑三片棗一枚水盞半煎
一盞去查溫服一方無菖蒲有香附一錢
名神术散氣散

一家傳染者緣家有病人則憂患而飲食少食
少則氣餒時與病人相近感其病氣從口鼻
而入治須兼舒鬱

張三錫曰瘟疫已經發汗而熱不止右氣口弦
滑症兼惡心飽悶躁渴必是宿滯太多消導爲
主不必論班黃等候口舌燥加瓜蒌仁潤之不
已十數日不大便大柴胡微利之更衣熱自止
○已汗而熱不解心下飽兼惡心必是宿食爲
患消導爲主比比皆是

若已汗而熱不清身漬漬汗出右寸關雖弦大
按之無力心下不痞不飽四肢倦怠屬中氣弱
內傷虛熱補中益氣湯主之汗止身涼爲愈一
屬有餘一屬不足有餘悞作不足猶不大害不
足認作有餘必不可救

時毒

疫毒發于面鼻耳項作腫如疽癰相傳染者是
有表有裏有虛有實脉浮作寒熱身形拘急頭
痛無汗宜敗毒散汗之或解毒升麻湯

脉沉數或濇口乾舌燥不惡寒自汗煩渴大便
硬痛邪在裏五利大黃湯下之

表裏症俱見勢急脉弦數舌乾惡寒者防風通
聖散解毒攻裏無表裏症者或已經汗下腫不
消者小柴胡加連翹玄參花粉酒岑連桔梗鼠

粘子薄荷和解之、腫甚焮痛、汗下不消、宜砭去惡血、內服解毒藥、勢不可散、欲膿、脈弱不潰者、宜托裏、荒歲普患者、不宜峻劑、宜扶正祛邪、審而治之、咽下腫痛、水漿不入、甘桔湯加鼠粘子、先須荆防敗毒散、衆人一般、無表裏症、但腫而熱、普濟消毒飲解之、饑年傳染、先因胃虛、飲食不節、邪乘虛入、宜從輕治、發散解毒、必加入參以固元氣、時毒焮腫、咽喉不利、頻用通氣散取嚏、大抵初起、如傷寒、五七日間能殺人、治者宜精辨之、不可驟用托裏藥、須憑脈症、有表症脈浮者、宜汗有裏症而脈實者、宜下、脈沉澀者、邪氣深、氣實之人、宜急服化毒丹以攻之、熱實大便不利、大黃湯下之、在表者、解毒升麻湯、又于鼻內噴通氣散、取十餘嚏、以泄其毒、噉藥不嚏、不可治、左右侍疾之人、時用噉藥、嚏之、必不傳染、經三四日不解者、不可大下、猶宜和解、犀角連翹散主之、至七八日、二便通利、頭面腫起、赤而

高者可服托裏散黃芪散宜針鎌砭割出血泄
其毒氣十日外不治自愈若五日已前精神
昏亂咽喉閉塞語聲不出頭面不腫食不知味
者必死此疾有陰有陽有可汗有可下常見
粗工但云熱毒驟用寒涼不知病有輕重治有
逆從豈容輕忽也

荆防敗毒散即人參敗毒散加二味

防風通聖散 見風門

葛根牛旁子湯 治時毒脈數而有力者

葛根 管仲 甘草 江西豆豉

牛旁子 半生半炒 各二錢

右一劑水二鍾煎一鍾熱服

五利大黃湯 治時毒嫩腫赤痛煩渴便秘脈

實數

大黃 煨 黃芩 升麻 各二錢 芒硝 梔子 各一

錢二分

右作一劑水鍾半煎六分服

梔子仁湯 治時毒大便秘塞脈沉數

治法彙編

卷一

治時疫四卷

卷一

鬱金 枳殼炒 升麻 山梔子仁炒

大黃煨 牛旁子炒研各等分

右為細末每服三錢蜜水下

消毒托裏散 治時毒已經汗下解毒不消勢

欲成膿未成即消已成即潰

人參 黃芪鹽水拌炒 當歸酒拌 川芎 芍藥

白朮炒 茯苓各一錢 白芷七分 甘草五分

金銀花七分

水二鍾煎八分分瘡上下食前後服之

治時毒法無出外科心法學者宜熟記之大抵熱不止不可與穀食恐助邪熱也脈虛無停滯者不在禁例

外用紫金錠水磨傳

治時疫四卷

卷一

大頭天行

丹溪曰大頭天行乃濕熱在高顛之上用羌活
及酒黃芩酒大黃隨病加減切不可用峻藥
東垣曰陽明邪熱太甚資實少陽相火而爲之
也濕熱爲腫木盛爲痛此邪見于頭多在兩耳
前後先出治法大不宜藥速速則過其病所謂
上熱未除中寒復生必傷人命宜用緩藥徐徐
少與當視其腫勢在何部分隨經處治之陽明
爲邪首大腫少陽邪出于耳前後也

二黃湯 治大頭病

黃芩

酒製

黃連

酒製

生甘草

各等分

右細切每服三錢水一盞煎七分溫服徐徐呷之如未退用鼠粘子不拘多少水煎入硃硝等分亦時時少與不可驟用飲食如

前方宜各加引經藥陽明渴加石膏少陽渴

加瓜蒌根陽明行經升麻芍藥甘草葛根

太陽行經甘草荆芥防風並與上藥相合

服之或曰頭痛酒岑舌乾口渴乾葛身痛

羌活桂枝防風芍藥酌而用之十餘日表

症仍在惡寒頭痛身痛無汗者仍用羌活

防風紫蘇薄荷連翹花粉微散之有下症

者大柴胡湯微利之

普濟消毒飲子 泰和二年四月民多疫癘初

覺增寒壯熱體重次傳頭面腫盛目不能

開上喘咽喉不利舌乾口燥俗云大頭傷

寒諸藥罔效漸至危篤東垣曰身半已上

天之氣邪熱客于心肺之間上攻頭面而為腫須用下項藥共為細末半用湯調時時呷之半用蜜丸嚙化服盡良愈時人皆曰僊方遂勒諸石以傳永久

黃岑半兩酒浸炒 黃連同人參 陳皮去白二錢

甘草二錢 連翹一錢 玄參二錢 白殭蚕七分

升麻七分 柴胡五分 桔梗三錢 板藍根一錢

馬勃一錢 鼠粘子一錢

右為末服如上法或加防風川芎薄荷當歸

身細切每服五錢水煎徐徐熱服亦可如

大便硬加酒蒸大黃一錢或二錢以利之

腫勢盛者以砭刺之

人中黃解毒毒大效用大竹下留節內大國老

于中塞緊豎糞缸中冬月起至春分取出將竹

外淨洗晾風處待乾收罐中待用

春夏初晴山谷蒸氣胃弱者感之面腫發寒熱

先用平胃散加羌活防風荆芥桔梗等微散之

次加酒空連以降熱

山嵐瘴氣毒霧皆濕熱也山廣嶺南人中之卽
死緣中多毒蛇所吐之氣故耳行者預宜大補
氣微飽食更飲酒則邪氣不浸

時毒從頤頤腫者名鷓鴣瘟俗以耳下頸與咽
中腫脹聲不得出者爲蝦蟆瘟皆風熱不正之
邪傷于上焦所致防風通聖散加減先散後兼
解毒或先以小柴胡加防風羌活荆芥薄荷桔
梗煎服外以側柏葉搗汁調大蚯蚓糞傳之或
用丁香香附子尖南星醋磨傳之或五葉藤車前
草皆可搗汁傳之

冬應寒而反溫人感之多咽喉腫痛甘桔湯加
減
夏應熱而反寒感之伏于少陰之經咽痛且瀉
名腎傷寒宜半夏桔梗甘草各一錢薑五片煎
服

人黃散 治四時疫癘

糞缸峴

置風露中年遠者佳水飛細研一劑

甘草三錢辰砂

雄黃

各錢半

勝

右為細末、每服二錢煎薄荷桔梗湯送下、日

三服、濕盛作瀉、加藁本白朮、風能盛濕也

萎蕤散 治冬瘟頭面腫

萎蕤 二錢 石膏 錢半 麻黃 白薇 羌活

杏仁 半 甘草 川芎 青木香 各半

家菊花 錢半

右水煎服

仲景曰、三月四月其時陽氣尚微為寒所拆、病

熱猶輕、五月六月陽氣已盛為寒所拆、病熱則

重、七月八月陽氣已衰為寒所拆、病熱亦微、

天久淫雨濕令大行人多腹疾瀉且痛、胃苓湯

加炮薑肉桂

班疹

有色點而無顆粒者曰班。春夏多此，皆冬月不謹，邪乘虛入。至春變為溫病，至夏變為熱病。毒留積胃中，自然發班，名曰溫毒發班。

疫氣傳染，多發班。大抵汗後熱不淨，煩躁脈伏，便是發班之候。初見紅影，兼身痛者，升麻葛根湯加羌活防風再表而出之。已出而熱盛，脈數者，小柴去半夏加花粉、芩、連、赤芍、連翹、薄荷等辛涼藥。嘔者，大半夏湯加減。心下迷悶。

氣口緊滑又兼惡心必是宿食消導爲主兼清涼藥。瀉者柴苓湯加減。斑症或吐或瀉者吉。謂毒氣上下俱出也。舌乾口渴煩躁是毒聚于胃也。化斑湯或陽毒梔子湯。斑症舌躁黃胎卽是陽毒發斑。不問日數便投白虎合解毒柴胡一二味。心下脹悶而裏症見者大柴承氣看微甚而下之。發斑兼咽痛玄參升麻湯。勢盛者陽毒升麻湯。大抵胃熱極則發斑。故升麻犀角乃陽明經升散藥。古方往往用之。勢盛須兼解毒以降之。

內傷斑內傷元氣不足之病。悞作外感虛火遊行于外亦發斑。第脉虛大倦怠懶于言動自汗爲異耳。因氣血虛亦身痛心煩作熱若妄作外感有餘治立見傾危。速進補中益氣湯熟眠熱止爲愈。

丹溪曰內傷發斑者胃氣極虛一身之火遊行于外宜補以降之。大健中湯佳。夏月蚊跡類斑。謬者悞認爲斑而用斑藥殺人殊速。但先紅後

黃者蚊跡先淡後紅赤者斑又蚊跡多見于手足發斑多見于胸腹欲班之脉或隱或伏多躁悶

升麻葛根湯 治邪客陽明經鼻塞眼痛不眠脉微洪而長斑症未出者

升麻 葛根 甘草 赤芍

薑棗煎熱服頭痛加葱白

陽毒升麻湯 治傷寒一二日間身發斑闌或

吐下後變成陽毒腰背脊痛面赤狂言或自

利脉洪大咽痛

射干 犀角 人參 甘草 黃芩

升麻

水煎

化斑湯 治斑已淨多燥陽明症見者即人參

白虎湯加玄參如無汗乾熱加蒼朮薑豉再

解之

疫毒發斑無表裏症但發熱無汗葱薑豉煎

湯熱服妙

玄參升麻湯 治發班咽痛煩躁譫語

玄參 升麻 甘草

陽毒內外煩熱百節痛發班舌燥兼辛涼解散

陽毒梔子湯主之

升麻 梔子仁 黃芩 芍藥 各一錢

水石膏 知母 杏仁 柴胡 一錢

甘草 五分

薑三片豉一百粒煎熱服

內有伏陰或悞服涼藥逼其虛陽浮散于外而為陰班脉雖洪大按之無力或手足逆冷過乎肘膝者先用炮薑理中湯以復其陽次隨症治仲景陰毒升麻鱉甲湯專主陰班用者宜審之若內傷冷食外感寒邪而發陰班調中湯最捷

升麻鱉甲湯

升麻 當歸 甘草 蜀椒 各一錢 二分

鱉甲 雄黃 研四分

水二鍾煎一鍾調雄黃末服

調中湯 治內傷外感陰班

治疫癘四卷 九十一

蒼木錢半 陳皮錢一 砂仁 藿香 芍藥根

甘草 桔梗去蘆 半夏湯泡七次 羌活

枳殼各七分 川芎五分 麻黃 桂枝各三分

白芷七分

薑三片煎七分温服

黑膏治温毒發班冬月大温人受不正之氣至春發班如錦紋脉浮散屬陽沉伏屬陰用此以消疫毒

生地半斤 香豉一斗

右二味細切以猪膏二斤合煎之取濃如膏

用雄黃麝香如豆大内中攪勻每服彈子

大白湯化下

大建中湯 治中氣不足無根失守之火出于

肌表面為班認的進此立愈須脉大無力倦

怠懶于言動乃可用

人參 黃芪 當歸 芍藥酒炒 桂心

甘草 半夏 黑附子製 薑棗煎服

大青四物湯 治瘟疫發班

治法彙四卷 在參 九十一

大青四錢阿膠炒成甘草炙各一錢香豉一合
水煎服

疹

疹屬風熱浮小有顆粒隨出卽沒而又出一翻者是亦有痰熱在肺不得散發于皮毛而變此者先須微汗以散次化痰清肺與小兒痧同遍身作痒抓之卽成大疙瘡俗名冷飯疙瘡屬血熱生風消風解熱爲先不可驟與寒涼必先升散

丹毒俗名火丹言皮色赤如丹是也四肢上下俱有乃毒熱畜于血分隨經而變出于部分也方書言惡毒蘊畜于命門遇君相二火合熱卽發恐未盡病情若果發于下部命門之分方可獨指此經大抵三陰受積熱膏梁厚味變此疾者多若發于上部俗名赤遊風久之變癩無非風熱毒之微甚耳防風通聖散加減
三錫曰一切風熱痧疹疙瘡丹毒已經升散而肉熱盛者涼膈散倍大黃瀉之大腑不秘脉弦

數多火宜涼血養血四物生地玄參連翹酒芩
連

丹毒遇溫暖炎天宜辛涼解散寒月必兼辛散
丹毒先四肢而後入腹者凶

小兒丹毒屬胎毒剪刀草搗汁調原蚕沙傳之
愈

消風散 治風熱隱疹

荆芥 防風 甘草 陳皮 厚朴

蟬退 人參 茯苓 川芎 藿香

羌活 白殭蚕

右為末每服二錢荆芥湯下茶清亦可

加味敗毒散 治瘟疫及癰疹即敗毒散加生

地薄荷蒼朮白朮芍藥荆防大抵隨症出入

為佳

犀角消毒飲 治發斑癰疹內熱盛者

犀角 磨水 一錢 牛旁子 四分 荆芥 防風 各二錢

甘草 錢

水煎加犀角水服

解毒防風湯 治同上

防風 地骨皮 黃芪 芍藥 荆穗

枳殼 牛旁子 炒七分半

水煎服

丹毒害人極速雖有消毒升散等法無如砭之為上其法用麻油塗患處以磁砭之毒血去即愈詳見外科心法

其法用細磁器擊碎取有鋒銳者以筋一根劈破一頭夾定兩指輕撮筋稍令銳磁正對患處

懸寸許再用筋一根頻擊助頭令毒遇刺皆出却以神功散敷之毒入腹作喘者不救

一切丹毒疹痒痛內熱小便澀者大連翹飲妙

大半夏湯 見嘔門

柴苓湯

大柴湯

大承氣湯 俱見傷寒

補中益氣湯 見內傷門

大連翹飲 治斑疹丹毒瘙癢或作痛及大人

小兒風熱焮痛作痒小便澁

連翹 瞿麥 荆芥 木通 芍藥

當歸 蟬蜋 甘草 防風 柴胡

滑石 山稔炒 黃芩各一錢

水煎服小兒為末服一二錢白湯下

戊辰仲秋初六日 櫟翁

四卷終



